

Ihumanea Pāngarau
Te Tīhāte Hākinakina
MĀ TE KAIKO

Kia Mōhio te Ākonga ki:

- te whakaaro arorau hei whakaoti rapanga
- te tuhi pikitia hei whakaahua i tētahi tāpiritanga
- te tuhi pikitia hei whakaahua i te huatango/rerekētanga o ētahi tau e rua
- te whiriwhiri i te huatango o ētahi tau e rua

Kupu Matua:

huatango/rerekētanga, utu, tapeke


Whāinga Paetae:

Taumata 3, Te Tau me te Taurangi

3. Ka kōwhiri, ka whakamārama i te rautaki e tino whaihua ana hei whakaoti rapanga e whai wāhi mai ana te tauoti, te hautau, te tau ā-ira māmā me te ōrau: rautaki tatau; rautaki whakarōpū; rautaki tohatoha ōrite; rautaki tāpiripiri; rautaki whakarea māmā.
4. Ka mārama ki te whaitakenga o te otinga o tētahi rapanga.

Hei Mahi:

He tīhāte tēnei mō tētahi kapa hākinakina.



Tāpiri atu ki te utu mō te tīhāte, e \$2 atu anō mō ia pū ka tāngia ki te tīhāte.

Mēnā e 6 ngā pū o te ingoa ka tāngia ki te tīhāte, e \$30 te utu tapeke.

Mēnā 10 ngā pū o te ingoa, e \$38 te utu tapeke.


Whiriwhiria te utu mō te tīhāte noa iho, karekau he tānga pū ki runga.

He pātai āwhina hei tuku mā te kaiako (ina hiahiatia):

- Me pēhea te tuhi pikitia hei whakaatu i te tīhāte noa, ngā pū e ono, me te utu tapeke o tērā?

- Me pēhea te tuhi pikitia hei whakaatu i te tihāte noa, ngā pū tekau me te utu tapeke o tērā?
- E hia tāra te huatango/rerekē o te utu o tēnā tihāte i tēnā tihāte.
- E hia ngā pū ka utua ki tēnā huatango/rerekētanga o ngā utu?
- Nō reira e hia te utu kia tāngia te pū kotahi?
- E hia te utu mō te tihāte me ngā pū e ono ki runga?
- Nō reira me pēhea te whiriwhiri i te utu mō te tihāte noa, karekau he tānga pū ki runga?

Hei tauira rautaki:



Nō reira \$18 te utu mō te tihāte noa.